

REVTLINGENSE.

14

Vitus in hoc nostro, qui ponitur ordine quartus,  
Qui Lobmylleri quoq; fata secutus humati  
In Christo dormit, Deus hunc exuscitet olim.  
Cui nunc successit summâ pietate Georgus  
Wuchter, & Hermani sequitur vestigia Viti  
Dexteritate pari: simili candore fideq;  
Vir bonus, officium facit, ac sua munera complet.  
Dij precor aspirent cœptis: sua septa secudent  
Innumeras ut ducat oves ad ouilia Christi:  
Et lucri faciat multorum animasq; fidemq;  
Confirmet: dubios, infirmos recreet omnes,  
Posthac cunctipotens olim sua facta rependat  
Cumq; suis ouibus pastorem reddat ubique  
Saluum, cœlicolam faciat sine fine beatum.

Est locus exterior non longè distat ab vrbe  
Hic Templum Diuo sacrum stat limine Petro  
Leprosiq; domus multis annosa diebus  
Multa sepulchrorum sunt hic monumenta vetustis  
Scripturis signata pijs, quæ nomina produnt  
Hic defunctorum, clarorum nempè virorum:  
Maurer in hoc Templo verbum cœleste Sebastus  
Predicat, & doctè diuini semina verbi  
Leprosis spargit, reliquos solatur egenos,  
Qui patris ingenui successor, & impiger olim  
Sectator fuerat, studijs addictus honestis,  
Et Gomeringsem pauit solamine pagum  
In verbo Christi, post Ludirector in vrbe  
Reütlinga fuerat: sed paruo tempore mansit,  
Et mihi Frischlino cessit: sua dona secutus,  
Namq; potest verbum populo proponere sacrum:  
Scribere ego carmen didici, teneramq; iuuentam  
Informare bonis linguis, & moribus aptis.

M. Vitus Her-  
man Diaconus  
Ecclesiæ s. Sept.  
An. 1597.

M. Georgius  
Wuchter pa-  
ster in Vvanckē:  
factus minister  
Ecclesiæ Reüt-  
lingensis Anno  
1598 die D. Ge-  
orgio sacro.

Ad S. Petrum in  
Salictō.

Epitaphia Reüt-  
lingensium.

Sebast. Maurer  
pastor Leproso-  
rum.

Anno 1595. 22.  
Maii.

D 2

Ben-